



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13 i 89/16) i člana 18. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2019. GODINU POKRETA DEMOKRATSKE AKCIJE

Broj: 03-07-6-287/20
Sarajevo, 27. septembar 2021. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS REVIZIJE.....	5
Predmet revizije	5
Cilj revizije	5
Obim revizije	5
4. PRETHODNE KONTROLE I REVIZIJE	5
5. NALAZI I PREPORUKE REVIZIJE	5
5.1 NALAZI.....	5
5.2. PREPORUKE	9

MIŠLJENJE REVIZORA

Služba za reviziju finansiranja političkih stranaka izvršila je reviziju godišnjeg finansijskog izvještaja Pokreta demokratske akcije za 2019. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo izvršili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garanciju da je stranka postupala u skladu sa odredbama Zakona o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

Revizijom godišnjeg finansijskog izvještaja za 2019. godinu, utvrđeno je da je Pokret demokratske akcije prekršio odredbe člana 4. stav (1), člana 5. stav (4), člana 11. stav (1) i člana 12. stav (1) i stav (4) Zakona o finansiranju političkih stranaka.

Prema našem mišljenju, osim navedenog, revidirani finansijski izvještaj ukazuje da je Pokret demokratske akcije u 2019. godini postupao u skladu sa odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je reviziju godišnjeg finansijskog izvještaja Pokreta demokratske akcije za 2019. godinu.

Revizija je preduzeta u skladu sa članom 10. stav (1) Zakona o finansiranju političkih stranaka, članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2019. godinu, Pokret demokratske akcije se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	34.043,52	11,55
2.	Prilozi fizičkih lica (3-a)	20.150,05	6,84
3.	Prilozi pravnih lica (3-b)	7.450,00	2,53
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	233.036,64	79,08
8.	Prihodi od propagande (3-g)	0,00	0,00
I	Ukupni prihodi (1-8)	294.680,21	100,00
II	Ostali prihodi i drugo	0,00	0,00
	Izvori finansiranja (I+II)	294.680,21	100,00

U godišnjem finansijskom izvještaju stranka je iskazala rashode u ukupnom iznosu od 169.999,67 KM.

2. PREDSTAVLJANJE POLITIČKE STRANKE

Naziv političke stranke je Pokret demokratske akcije. Skraćeni naziv je PDA.

Stranka je registrovana kod Općinskog suda u Tuzli, Rješenjem broj: 032-O-Reg-18-00577 od 30.03.2018. godine.

Sjedište političke stranke je u Tuzli, ulica Fra Grge Martića 8.

Lice ovlašteno za zastupanje stranke u 2019. godini je Mirsad Kukić, predsjednik stranke.

Lice ovlašteno za podnošenje finansijskog izvještaja za 2019. godinu je Muzafer Brigić.

Prema podacima iz godišnjeg finansijskog izvještaja za 2019. godinu, Pokret demokratske akcije ima sljedeću organizacionu strukturu:

- Centralne organe,
- 4 kantonalna odbora,
- 2 regionalna odbora,
- 2 gradska odbora,
- 29 općinskih odbora i
- Odbor Brčko distrikt BiH.

3. OPIS REVIZIJE

Predmet revizije je godišnji finansijski izvještaj za 2019. godinu, i to sljedećih organizacionih dijelova političke stranke:

- Centralne organe Pokreta demokratske akcije,
- Općinski odbor Pokreta demokratske akcije Banovići i
- Općinski savjet Pokreta demokratske akcije Živinice.

Cilj revizije je da se na osnovu provedenih revizijskih procedura pribave revizijski dokazi, koji će revizoru omogućiti da izrazi mišljenje o tome da li je Pokret demokratske akcije u izvještajnom periodu postupio u skladu sa odredbama Zakona o finansiranju političkih stranaka.

Obim revizije finansijskog izvještaja Pokreta demokratske akcije obuhvata kontrolu finansijske dokumentacije i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta i priloge fizičkih i pravnih lica.

4. PRETHODNE KONTROLE I REVIZIJE

Služba za reviziju je izvršila pregled godišnjeg finansijskog izvještaja Pokreta demokratske akcije za 2018. godinu, nakon koga je izdat izvještaj o pregledu sa nalazima revizije, mišljenjem revizora i preporukama stranci: da svake godine donosi precizan i jasan program utroška sredstava i da finansijska sredstva osigurana za finansiranje političke stranke koristi u skladu sa programom i statutom, da se dobrovoljni prilozi uplaćuju na transakcijski račun Centralnih organa stranke, da poslovne knjige vodi u skladu sa računovodstvenim propisima, odnosno da vodi pravilne i potpune evidencije o prihodima, rashodima i obavezama i da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2019. godinu, utvrđeno je da Pokret demokratske akcije nije ispoštovao ranije date preporuke.

5. NALAZI I PREPORUKE REVIZIJE

5.1 NALAZI

a) Pokret demokratske akcije je prekršio odredbe člana 4. stav (1)¹ Zakona o finansiranju političkih stranaka.

U godišnjem finansijskom izvještaju stranka je iskazala ukupne troškove u iznosu od 169.999,67 KM. Stranka je u svom Programu utroška sredstava za 2019. godinu planirala ukupne troškove u iznosu od 300.000,00 KM.

Uvidom u Program utroška sredstava za 2019. godinu, utvrđeno je da su u planiranoj strukturi, između ostalih, planirani: rashodi za uspostavu novih organizacionih jedinica u iznosu od 50.000,00 KM, ali bez navođenja njihove strukture, odnosno pojedinačnih stavki troškova koji će nastati prilikom obavljanja tih aktivnosti. Takođe, stranka je planirala stavku ostalih rashoda u iznosu od 31.525,00 KM, što je neprimjereno visok iznos ako se ima u vidu činjenica da je

¹ Finansijska sredstva iz člana 3. stav (1) Zakona o finansiranju političkih stranaka može koristiti isključivo za ostvarivanje ciljeva utvrđenih svojim programom i statutom.

politička stranka obavezna voditi evidencije po vrstama troškova, te ih tako iskazati i u finansijskom izvještaju.

S tim u vezi, utvrđeno je da Program utroška finansijskih sredstava za 2019. godinu, nije sačinjen na način kojim bi se obezbijedila potpuna transparentnost planiranog trošenja sredstava i njihova uporedba sa ostvarenim troškovima.

Pored navedenog, Služba za reviziju je utvrdila da je stranka finansijska sredstva u iznosu od 43.312,62 KM utrošila mimo utvrđenog programa utroška sredstava za 2019. godinu, i to:

- Stranka je prekoračila planirane troškove platnog prometa, naknade za topli obrok, prevoz, regres i sl i troškove poštarine i internet usluga u ukupnom iznosu od 2.155,82 KM, kako slijedi: troškove platnog prometa za iznos od 1.799,39 KM, naknade za topli obrok, prevoz, regres i sl. za iznos od 322,00 KM i troškove poštarine i internet usluga za iznos od 34,43 KM.
- U planu utroška sredstava stranka nije predvidjela sljedeće troškove: troškove stručnih publikacija, časopisa i dnevnih novina, troškove reklame i propagande, troškove reprezentacije, troškove poreza i drugih obaveza, troškove goriva i maziva, troškove kamata i troškove za takse, novčane kazne i sl.

Stranka je u 2019. godini navedene troškove ostvarila u ukupnom iznosu od 41.156,80 KM, i to: troškove stručnih publikacija, časopisa i dnevnih novina u iznosu od 3.395,27 KM, troškove reklame i propagande u iznosu od 13.012,50 KM, troškove reprezentacije u iznosu od 22.403,42 KM, troškove poreza i drugih obaveza u iznosu od 477,42 KM, troškove goriva i maziva u iznosu od 222,19 KM, troškove kamata u iznosu od 24,19 KM i troškove za takse, novčane kazne i sl u iznosu od 1.621,81 KM.

Na osnovu naprijed navedenog utvrđeno je da je Pokret demokratske akcije prekršio odredbe člana 4. stav (1) Zakona o finansiranju političkih stranka, jer nije sačinio program utroška sredstava na način kojim bi se obezbijedila potpuna transparentnost planiranog trošenja sredstava, kao i da je dio finansijskih sredstva utrošio mimo utvrđenog Programa utroška finansijskih sredstava za 2019. godinu.

b) Stranka je prekršila odredbe člana 5. stav (4)² Zakona o finansiranju političkih stranaka.

U toku revizije utvrđeno je da stranka, odnosno OO PDA Banovići, od ukupno prikupljenih članarina u gotovom novcu, putem blagajne, članarine u iznosu od 720,00 KM nije uplatio u roku od 10 dana od dana prijema uplate na transakcijski račun, čime su prekršene odredbe člana 5. stav (4) Zakona o finansiranju političkih stranaka.

Uvidom u blagajničku dokumentaciju i izvode, utvrđeno je da je OO PDA Banovići dana 06.03.2019. godine na transakcijski račun OO PDA Banovići uplatio članarine koje je prikupio u periodu od 13.02.-28.02.2019. godine, u ukupnom iznosu od 720,00 KM, od čega je 600,00 KM uplaćeno mimo zakonskog roka od 10 dana. Članarine koje su prikupljene u periodu od 27.08.- 15.10.2019. godine, u iznosu od 2.490,00 KM, uplatio je dana 15.10.2019. godine, a od navedenog iznosa 120,00 KM je u roku dužem od 10 dana.

² Političke partije dužne su da vode evidenciju o prijemu članarina i dobrovoljnih priloga, te da izdaju potvrde o prijemu članarina i dobrovoljnih priloga. Ovlašćeno lice u političkoj stranci uplaćuje članarinu i dobrovoljne priloge neposredno na transakcijski račun političke stranke najkasnije u roku od 10 dana od dana prijema uplate.

c) Stranka je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka³.

Revizijom je utvrđeno da Pokret demokratske akcije nije vodio potpune evidencije o svojim приходima, rashodima i obavezama, nije postupio po principima blagajničkog poslovanja, niti je godišnji finansijski izvještaj popunio u skladu sa odredbama Pravilnika o godišnjim finansijskim izvještajima političkih stranaka (u daljem tekstu: Pravilnik), čime su prekršene odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

(1) Revizijom, a na osnovu raspoložive dokumentacije o blagajničkom poslovanju Centrale stranke, OO PDA Banovići i OO PDA Živinice, utvrđeno je da stranka nije iskazala promet putem blagajne, da je isplate vršila bez odgovarajuće dokumentacije, te da nije postupala u skladu sa pravilima i principima blagajničkog poslovanja, te je postupala suprotno Uredbi o uslovima i načinu plaćanja gotovim novcem u Federaciji BiH.

S obzirom da stranka u finansijskom izvještaju u obrascu 2.1 (Pregled stanja blagajne) nije iskazala promet blagajne u OO PDA Banovići, prekršila je odredbe člana 12. Pravilnika.

- Uvidom u blagajničke naloge za isplatu, Centralnih organa stranke, utvrđeno je da na istim nedostaju potpisi lica kome su sredstva isplaćena. Iz navedenog nije moguće utvrditi kome su sredstva isplaćena putem blagajne.

- Uvidom u blagajničku dokumentaciju OO PDA Banovići i poslovne knjige utvrđeno je da je ovaj odbor u 2019. godini ostvario promet putem blagajne koji nije prijavio u godišnjem finansijskom izvještaju. Na osnovu navedene dokumentacije utvrđeno je sljedeće: po početnom saldu nije bilo novčanih sredstava u blagajni, promet ulaza iznosio je 13.280,00 KM a promet izlaza iznosio je 13.280,00 KM. Stranka na dan 10.12.2019. godine nije imala sredstava u blagajni.

U dnevnicima blagajne od 15.10. i 25.10.2019. godine i 10.12.2019. godine, stranka nije pravila nalog blagajne za naplatu članarine, za svaku uplatu posebno, već zbirni nalog naplate i to kao članarina za 2019. godinu, a u prilogu su izdate potvrde o primljenoj članarini iz koje se vidi uplatilac. Takođe na nalogu nedostaje potpis lica koje je uplatilo sredstva.

- Stranka je u 2019. godini više puta podizala novčana sredstva sa transakcijskog računa GO PDA Živinice i vršila polog u blagajnu, a u svrhu plaćanja računa, dok je dana 16. i 23.12.2019. godine položila sredstva u blagajnu u ukupnom iznosu od 600,00 KM, a da nije imala nikakva plaćanja. S obzirom da je od ukupnih 6.400,00 KM gotovinskih sredstava, na blagajni isplaćeno 1.214,50 KM, stranka je odstupila od propisa⁴ i principa blagajničkog poslovanja.

Podizanje gotovine sa transakcijskog računa i njen polog na blagajnu vrši se u slučaju kada u blagajni nedostaju gotovinska sredstva za tekuće potrebe.

Pored navedenog, utvrđeno je da je stranka putem blagajne dana 08.06.2019. godine isplatila novčana sredstva, po raznim računim u ukupnom iznosu od po 363,60 KM. Od navedenog isplaćenog iznosa, stranka je sredstva u iznosu od 52,00 KM isplatila bez

³ U skladu sa odredbom člana 11. stav (1) Zakona o finansiranju političkih stranaka, politička stranka je dužna voditi poslovne knjige u skladu sa računovodstvenim propisima. U skladu sa odredbom iz člana 12. stav (1) Zakona dužna je uspostaviti evidencije o svim приходima i rashodima, dok je u skladu sa odredbom iz člana 12. stav (4) dužna podnositi finansijski izvještaj u formi koju odobri Centralna izborna komisija Bosne i Hercegovine.

⁴ Uredba o uslovima i načinu plaćanja gotovim novcem Federacije BiH („Službene novine Federacije BiH“ broj 72/2015).

odgovarajućeg fiskalnog računa, odnosno isplatila je sredstva za kupovinu suhih kolača pravnom licu „Rafaelo“ na osnovu blok računa.

- (2) U obrascu 3-b finansijskog izvještaja (Prilozi pravnih lica) stranka je iskazala priloge pravnih lica u manjem iznosu za 2.000,00 KM, čime je prekršila odredbe člana 15. Pravilnika.

Stranka je u finansijskom izvještaju iskazala priloge pravnih lica u iznosu od 7.450,00 KM, dok je uvidom u izvode utvrđeno da su prilozi pravnih lica iznosili 9.450,00 KM. Navedena razlika je rezultat pogrešnih evidencija. Stranka je u poslovnim knjigama povrat donacije pravnom licu „BH Sigurnost“ iz 2018. godine u iznosu od 2.000,00 KM⁵ evidentirala na način da je u 2019. godini korigovala (stornirala) donacije pravnih lica za iznos od 2.000,00 KM.

- (3) Služba za reviziju je utvrdila da je stranka zbog neblagovremenih evidencija iskazala pogrešne podatke o rashodima u obrascima finansijskog izvještaja, čime je prekršila odredbe člana 21. i 22. Pravilnika.

- Tokom obavljanja revizije, a kontrolom ugovora o djelu utvrđeno je da je stranka neke od ugovora o djelu iz 2018. godine evidentirala u 2019. godini, odnosno kada je izvršila plaćanje za ugovorene poslove.

Stranka ugovor o djelu sa Almom Buljugić iz decembra 2018. godine u iznosu od 750,00 KM evidentirala u okviru troškova u 2019. godini.

Na isti način, u okviru troškova u 2019. godini, stranka je evidentirala i ugovor o djelu sa Nijazom Bašićem iz septembra 2018. godine u iznosu od 500,00 KM. Navedeni trošak je trebao biti dio troškova kampanje u 2018. godini, jer su se ugovoreni poslovi odnosili na predizbornu kampanju za Opće izbore 2018. godine. S obzirom da stranka nema izvještaje o izvršenom poslu, nije moguće utvrditi da li su ugovoreni poslovi izvršeni i u kojem obimu.

- Stranka je u poslovnim knjigama i finansijskom izvještaju za Centralne organe stranke iskazala troškove zakupa poslovnih prostora u iznosu od 12.902,67 KM. Revizijom je utvrđeno da je u okviru navedenog iznosa, pored troškova zakupa za Centralne organe stranke iskazan i zakup za OO PDA Srebrenica u iznosu od 351,00 KM. Takođe, na isti način stranka je iskazala troškove zakupa KO PDA ZE-DO u iznosu od 5.000,00 KM, dok je revizijom utvrđeno da je stranka pored troškova zakupa za KO PDA ZE-DO u iznosu od 3.600,00 KM, iskazala i zakup za OO PDA Zavidovići u iznosu od 400,00 KM i OO PDA Žepče u iznosu od 1.000,00 KM, što je suprotno odredbama člana 22. Pravilnika.

Stranka je imala obavezu da tako nastale troškove rasporedi po mjestu nastanka troška, odnosno iskaže po odborima.

Takođe, utvrđeno je da su troškovi zakupa za sljedeće opštinske odbore evidentirani i u finansijskom izvještaju prijavljeni u većem iznosu u odnosu na ugovorenu cijenu zakupa za ukupno 2.050,60 KM i to: za Centralne organe stranke za iznos od 1.858,36 KM, OO PDA Banovići za iznos od 60,68 KM i OO PDA Sapna za iznos od 131,56 KM.

Troškovi zakupa su za sljedeće opštinske odbore evidentirani i prijavljeni u manjem iznosu u odnosu na ugovorenu cijenu zakupa za 4.000,00 KM i to: OO PDA Žepče za iznos od 2.000,00 KM i OO PDA Zavidovići za iznos od 2.000,00 KM.

⁵ Donacija pravnog lica BH sigurnost, u 2018. godini je bila zabranjeni prilog.

- (4) Revizijom su utvrđeni nedostaci kod računa dobavljača, koji su knjigovodstvene isprave o nastalim poslovnim događajima.⁶

Uvidom u troškove reprezentacije Centralnih organa stranke i račun dobavljača Hotel „Mellain“ Tuzla broj: 2019/1/22/415/121 od 31.05.2019. godine u iznosu od 3.885,00 KM, koji je stranka dostavila u očitovanju, utvrđeno je da je na računu naveden samo osnov za fakturisanje ugostiteljskih usluga hrane i pića, bez specifikacije koja bi sadržavala vrstu i količinu hrane i pića.⁷

Takođe, uvidom u troškove reprezentacije OO PDA Živinice i račun dobavljača Restoran „Bašćaršija“ Živinice broj: FAKT/00001/19/12 od 27.05.2019. godine u iznosu od 1.155,50 KM, utvrđeno je da je na računu navedena samo „hrana“ (količina i cijena), bez specifikacije koja bi sadržavala vrstu konzumirane hrane, dok je za konzumirano piće navedena vrsta i količina.

- (5) Stranka nije vršila usaglašavanje svojih obaveza, te zbog navedenog nije uspostavila tačne evidencije i nije tačno iskazala svoje obaveze u obrascu 5 (obaveze političke partije) finansijskog izvještaja, čime je prekršila odredbe člana 24. Pravilnika.

- Stranka je u godišnjem finansijskom izvještaju iskazala obaveze prema dobavljaču „Gradačački sajam“ u iznosu od 877,00 KM. Uvidom u Izvod otvorenih stavki na dan 31.12.2019. godine, utvrđeno je da navedeni dobavljač od stranke potražuje sredstva u iznosu od 292,00 KM.
- U finansijskom izvještaju stranka je iskazala obavezu prema dobavljaču „Tehnograd-company“ doo u iznosu od 1.577,62 KM, dok prema podacima iz IOS-a, „Tehnograd-company“ doo potražuje sredstva u iznosu od 1.676,00 KM.
- Stranka je u godišnjem finansijskom izvještaju iskazala obaveze prema dobavljaču cvjećara „Azra“ u iznosu od 970,00 KM. Uvidom u Analitičku karticu kupca u periodu od 01.01.-31.12.2019. godine, utvrđeno je da navedeni dobavljač na dan 31.12.2019. godine od stranke potražuje sredstva u iznosu od 1.060,00KM.

5.2. PREPORUKE

Preporučuje se Pokretu demokratske akcije da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da program utroška sredstava sačinjava na način da se obezbijedi potpuna transparentnost trošnja sredstva i da finansijska sredstva osigurana za finansiranje političke stranke koristi u skladu sa svojim programom i statutom,***
- ***da članarine, prikupljene u gotovini, uplaćuje na transakcijski račun u zakonom propisanom roku,***
- ***da uspostavi blagovremene i potpune evidencije o prihodima, rashodima i obavezama,***
- ***da poslovanje gotovinom uspostavi u skladu sa principima i pravilima blagajničkog poslovanja i***

⁶ U skladu sa računovodstvenim propisima, sadržaj knjigovodstvene isprave mora nedvojbeno i vjerodostojno pokazivati vrstu i obim nastale promjene (kupovina, količina, cijena, ukupan iznos), karakter poslovne promjene u knjigovodstveno-tehničkom smislu, tehnička obilježja i sl.

⁷ Stranka je dostavila fiskalni račun na kojem nema vrsta i količina isporučene hrane i pića.

- *da finansijske izvještaje koje podnosi Centralnoj izbornoj komisiji Bosne i Hercegovine dostavlja na način utvrđen Pavilnikom o godišnjim finansijskim izvještajima političkih stranaka.*

Takođe, preporučujemo:

- *da izvrši usaglašavanje obaveza sa dobavljačima i provede odgovarajuća knjiženja u poslovnim knjigama*
- *da poštuje finansijske propise, odnosno Uredbu o uslovima i načinu plaćanja gotovim novcem i*
- *da obrati pažnju na ispravnost knjigovodstvenih isprava.*

KOMENTAR:

Pokret demokratske akcije se očitovao na nalaze revizije date u Preliminarnom izvještaju o reviziji godišnjeg finansijskog izvještaja za 2019. godinu. U očitovanju stranka je dostavila dodatnu dokumentaciju.

Služba za reviziju je uvažila sve argumentovane primjedbe stranke, te je djelimično koriovala nalaze revizije iz Preliminaranog izvještaja o reviziji.

Zahvaljujemo se ovlaštenom licu za finansijske izvještaje na korektnoj saradnji tokom obavljanja revizije finansijskog izvještaja.

Šef Odsjeka za revizijske poslove

Sanja Tošović

Revizor

Veliborka Kenjić

Pomoćnik revizora

Anela Burdžović Kapić

Šef Službe za reviziju

Mr.sc Hasida Gušić